

Sebija Izetbegović
Zastupnica u Skupštini Kantona Sarajevo

Faruk Selmanović
Zastupnik u Skupštini Kantona Sarajevo

Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

PREDMET: Amandamni na Prijedlog Zakona o nabavljanju, držanju i nošenju oružja i municije, **dostavlja se**

Poštovani,

Na osnovu člana 151., a u vezi sa članom 152. Poslovnika Skupštine Kantona Sarajevo ("Službene novine Kantona Sarajevo", broj: 41/12, 15/13, 47/13, 47/15, 48/16) podnosim amandmane na Prijedlog Zakona o nabavljanju, držanju i nošenju oružja i municije, kako slijedi:

AMANDMAN I

U članu 7. iza stava (6) dodaje se novi stav koji glasi:

„(7) Dozvoljeno je prenošenje hladnog oružja za članove lovačkih organizacija i planinare za vrijeme lova i planinarenja“.

Obrazloženje

Lovcima i planinarima dozvoliti nošenje bodeža-noževa i bajoneta za vrijeme lova i planinarenja.

AMANDMAN II

Član 9. stav (1) tačka d), iza riječi „za držanje“ dodaju se riječi „i nošenje“.

Obrazloženje

Omogućiti fizičkim licima koja naslijeđuju oružje da pored držanja mogu i nositi oružje u skladu sa odredbama ovog zakona.

AMANDMAN III

U član 11. u stavu (6) tačka c) iza interpunkcijskog znaka tačka dodaju se sljedeće riječi:
“Odobrenje za nabavku sportskog oružja može se izdati i članu lovačkog udruženja koji nije član sportske streljačke organizacije“.

Obrazloženje

Lovačko oružje je smrtonosnije od sportskog oružja a municija jeftinija za vježbanje gađanja. Ovdje je u pitanju bespotrebno plaćanje godišnje članarine jer se plaća godišnja članarina za lov.

AMANDMAN IV

U članu 12. stav (4) iza interpunkcijskog znaka tačka, dodaju se sljedeće riječi:
„Licu kojem iz opravdanih razloga prestane članstvo u lovačkoj ili sportskoj streljačkoj organizaciji Policijska uprava može izdati odobrenje za držanje lovačkog odnosno sportskog oružja i nakon prestanka članstva u lovačkoj ili sportskoj organizaciji“.

Obrazloženje

Radi starosti i drugih opravdanih okolnosti, bivšim članovima lova i streljaštva bi se omogućilo držanje oružja bez prava nošenja kao uspomenu ili poklon nasljednicima.

AMANDMAN V

U članu 12. stav (6) mijenja se i glasi:
„(6) Fizičko lice ima opravdan razlog za nabavljanje sportskog oružja ukoliko je član sportske streljačke organizacije ili lovačkog društva i aktivno se bavi sportskim streljaštvom odnosno lovom, što dokazuje uvjerenjem sportske streljačke organizacije odnosno uvjerenjem lovačkog društva“.

Obrazloženje

Obrazloženje je analogno obrazloženju datom za amandman br. 3.

AMANDMAN VI

U članu 14. u stavu (2) riječ „pet“ zamjenjuju se sa riječi „deset“.

Obrazloženje

Neopravdano je izlaganje troškovima ljekarskog uvjerenja svake pete godine, a članom 15. ovog Prijedloga Zakona, regulisana je obaveza zdravstvenih ustanova i svakog lica koje ima saznanje o promjeni zdravstvenog stanja imao ca oružja da o tome obavjesti policijsku upravu.

AMANDMAN VII

U član 15. stav (2) nakon interpunkcijskog znaka tačka dodaju se sljedeće riječi: „Licu koje uputi na vanredni zdravstveni pregled Policijska uprava će privremeno oduzeti oružje do utvrđivanja zdravstvenog stanja. Ukoliko se vanrednim zdravstvenim pregledom utvrdi da lice nije sposobno za držanje i nošenje oružja Policijska uprava će od tog lica trajno oduzeti oružje“.

Obrazloženje

Policijska uprava treba privremeno oduzeti oružje od lica koje je uputila na ljekarski pregled za koje sumnja da nije zdravstveno sposobno da drži i nosi oružje dok se ne utvrdi njegovo zdravstveno stanje radi moguće zloupotrebe. Ukoliko se vanrednim zdravstvenim pregledom utvrdi da lice nije sposobno za držanje i nošenje oružja Policijska uprava bi od takvog lica trebala trajno oduzeti oružje.

AMANDMAN VIII

Član 43. stav (2) iz interpunkcijskog znaka tačka dodaju se sljedeće riječi: Oružje i municija mogu se čuvati i u objektu koji se nalazi izvan adrese prebivališta odnosno sjedišta vlasnika ili korisnika oružja i municije, uz obavezu osiguranja čuvanja oružja i municije na zakonom propisani način“.

Obrazloženje

Omogućiti nosiocima oružja da oružje mogu držati u vikendicama, iznajmljenim objektima ili objektima gdje su smješteni radi izlaska u lovište ili streljiste. Ovo je česta pojava u praksi.

AMANDMAN IX

U članu 75. u naslovu člana iza riječi „krivična djela“ dodati riječ „i prekršaji“.

Iza stava (3) dodaju se novi st. (4), (5) i (6) koji glase:

„(4) Novčanom kaznom kaznit će se za prekršaj:

- a) ko bez odobrenja nabavi, drži ili nosi vatreno oružje kategorije A 1, B i ne prijavi oružje iz kategorije C, kaznit će se novčanom kaznom u iznosu predviđenom članom 22. Zakona o prekršajima Federacije Bosne i Hercegovine i izreći će mu se zaštitna mjera;
- b) ko proda vatreno oružje kategorije A 1, B i C pravnom licu, obrtniku ili fizičkom licu koji nemaju odobrenje ili nabavljanje te vrste oružja, kaznit će se novčanom kaznom u iznosu predviđenom članom 22. Zakona o prekršajima Federacije Bosne i Hercegovine i izreći će mu se zaštitna mjera;
- c) ko drugom da vatreno oružje na poslugu ili ko da na poslugu lovačko oružje ili sportsko vatreno oružje licu koje za tu vrstu oružja nema oružni list (član 40 ovog zakona) kaznit će se novčanom kaznom u iznosu predviđenom članom 22. Zakona o prekršajima Federacije Bosne i Hercegovine i izreći će mu se zaštitna mjera.

(5) Za prekršaje iz stava (4) ovog člana, obavezno se izriče zaštitna mjera oduzimanja vatrenog oružja.

(6) U izvršenju zaštitne mjere iz stava (4) ovog člana, oduzimaju se isprave o oružju ukoliko su za to izdate.

Obrazloženje

Zakon o nabavljanju, držanju i nošenju oružja i municije treba biti regulisano i sankcionisanje lica koje suprotno zakonu nabavi, drži, nosi, ne prijavi, proda ili da na poslugu oružje iz stava (4) i za takvo postupanje treba predvidjeti odgovarajuće sankcije. S tim u vezi predlaže se dopuna člana 75. prijedloga Zakona kako je to predloženo.

AMANDMAN X

U članu 86. u stavu (1) brišu se riječi „najkasnije u roku od tri godine od dana stupanja na snagu ovog zakona“.

Obrazloženje

Regulisanje prijedloga na ovaj način je povoljniji bez ograničenja, a oružje će biti istovremeno registrovano u policijskog upravi kao legalno i kontrolisano.

S poštovanjem,

Sebija Izetbegović, Zastupnica u Skupštini Kantona Sarajevo

Faruk Selmanović, Zastupnik u Skupštini Kantona Sarajevo